

Oqaluuserisassanut nassuiaat.

(Inatsisartut Siulittaasuut)

Aalajangiiffigisassatut siunnersuutit arlallit Inatsisinut Ataatsimiititaliamut innersuunneqarsimasut aappassaaneerneqarnissaasa 2015-imi ukiakkut ataatsimiinnissamut kinguartinneqarnissaannik ataatsimiititaliaq qinnuteqarpoq. Taamaalilluni siunnersuutit tallimat uku aappassaaneerneqarnissaat aatsaat 2015-imi ukiakkut ataatsimiinnermi pissaaq:

1. UPA2015/35: Inuit Pisinnaatitaaffii pillugit Sullissivimmik pilersitsinissaq sulissutigeqqullugu aamma Naligiimmik pineqarnissaq pillugu Ataatsimiititaliamik pilersitseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Inuit Pisinnaatitaaffii pillugit Sullissiviup Inuit Pisinnaatitaaffiit Kalaallit Nunaata Siunnersuisooqatigiivini allatsitullu sullissineq tigussavaa taamatullu Naligiimmik pineqarnissaq pillugu Ataatsimiititaliaq allatseqarfittut sullisissallugu.
(Inatsisartunut ilaasortaq Aaja Chemnitz Larsen, Inuit Ataqtigiit)
2. UPA2015/85: Aningaasanoorutit ilai pillugit Kalaallit Nunaannut inatsisip allannguutissaatut akuerineqarnissaa pillugu Inatsisartut aalajangiiffigisassaattut siunnersuut.
(Aningaasaqarnermut Aatsitassanullu Naalakkersuisoq)
3. UPA2015/109: Akileraartarnermut Oqartussaasut ataanni immikkoortortaqarfimmik immikkut suliaqartussamik, aningaasaqarnikkut pinerluuteqartarnerup, ilaatigut ikiaroorartunik niuerniarnermut attuumassuteqartup, paasineqarnissaannik siunertaqartussamik pilersitseqqullugit Naalakkersuisut peqquneqarnissaannik siunnersuut, tamanna pissaaq akileraarusersuineri annertunerusumik suliniuteqarneq aqqutigalugu, tamatumunnga ilanngullugit nalunaarsuiffiit atortorissaarutillu pioreersut ataatsimoortinnerat, tassuunakkut isertitat pigisallu nalillit inatsisunik unioqutitsilluni pissarsiaasimasut paasineqarsinnaaqqullugit.
(Inatsisartunut ilaasortaq Agathe Fontain, Inuit Ataqtigiit)

4. UPA2015/110: Naalackersuisut ikiaroorntunik Kalaallit Nunaannut eqqusuinermik akiuiniarnerup nakussassarneqarsinnaanera pillugu kingusinnerpaamik UKA2016-imi nassuiaammik saqqummiussinissaannik pisussaaffilerneqarnissaannik Inatsisartuni aalajangiiffigisassatut siunnersuut. Tassani allaaserineqassaaq ikiaroorntunik eqqusuinermik akiuineq qanoq nakussassarneqarsinnaanersoq, tassani ilanngullugu tamanna pillugu qallunaat naalackersuisuiniq isumaqatiginninniarnaq. Nassuiaammi aallaaserineqassaaq suliniutit qanorpiaq ittut atorlugit Kalaallit Nunaannut avataaniit tikittunik, pisattanik nassiussanillu nakkutilliineq pitsaanerulersinneqarsinnaanersoq, tamatumalu aningaasaqarnermut inuiaqatigiinnullu sunniutai suussanersut.

(Inatsisartunut ilaasortaq Agathe Fontain, Inuit Ataqatigiit)

5. UPA2015/117: Ingerlatseqatigiiffiit Kalaallit Nunaannilu oqartussaasut whistleblowereqarnissamut aaqquissuussinissamut (kinaassutsimik ersersitsisuunngitsumik ilisimasamik ingerlatitseeqqiisinnaanermut periarfissiisumik) malittarisassiuunneqarnissaannut Naalackersuisut peqquneqarnissaannut Inatsisartut aalajangiiffigisassaattut siunnersuut.

(Inatsisartunut ilaasortaq Naaja H. Nathanielsen, Inuit Ataqatigiit)

Naalackersuisut ilaqutariinnermut inatsisit pillugit siunnersuutaasa ataatsimoortut imm. 99-100 normullit aatsaat aappassaaneerreqareerpata imm. 79-ip aappassaaneerreqarnissaa qularnaarniarlugu imm. 79-ip aappassaaneerreqarnissaata nuunneqarnissaanik qinnuteqarnerat Siulittaasoqarfiup akueraa. Imm. 79-ip aappassaaneerreqarnissaa taamaattumik 26. maj 2015-imut nuunneqarpoq. Siunnersuutip qulequtaraa:

Siunnersuut Inatsisartunut aaliangigassanngorlugu Namminersorlutik Oqartussat oqaaseqaataat Kunngikkormiunut inassuteqaat Kalaallit Nunaannut atuuttussanngorlugu Inatsimmit nr. 1251 18. december 2012-meersumit, Inatsit nr. 311 29. marts 2014-meersumit kiisalu Inatsit nr. 752 25. juni 2014-meersumit Inuup normuanik inatsimmut allannguutissat.

(Aningaasaqarnermut Aatsitassanullu Naalackersuisoq)

Siulittaasoqarfiup aalajangerpaa imm. 148-p, Inatsisartut Suleriaasiata allanngortinneqarnissaanik siunnersuutip, aappassaaneerreqarnissaa kinguartinneqassasoq.

Kinguartitsineq pivoq Inatsisartunut ilaasortat periarfissinniarlugit siunnersuut pillugu Inatsisinut Ataatsimiititaliap isumaliutissiissutaata sukumiinerusumik misissuataarsinnaanissaannut. Oqaluuserisassat aalajangersarneqarneranni piffissap naatsorsuutigineqartup kingorna ataatsimiititaliaq aatsaat isumaliutissiissuteqarsinnaasimavoq. Piffissaq iluatsillugu Siulittaasoqarfiup inatsisissatut siunnersuutit aappassaaneerneqarnerisa pingajussaaneerneqarnerisalu akornanni piffissaliisimanerit nalinginnaasut sanioqqunneqarnissaat immikkut akuerisimavaa. Tamanna pivoq Inatsisartut Suleriaasianni § 41 tunngavigalugu. Siunnersuut taamaalilluni ulloq 26. maj aappassaaneerneqassaaq ulloq 28. maj pingajussaaneerneqarluni.

Atortussat agguanneqarsimasut kukkuneqartut ullaap tungaa paasineqarmat immikkoortoq 77-ip, Nunatta Karsiata 2014-imut naatsorsuutaanut tunngasup, Inatsisartut ataatsimiinneranni kingusinerusukkut oqaluuserineqartussanngorlugu kinguartinneqarnissaa Naalakkersuisut qinnutigaa. Siunnersuutip oqaluuserineqarnissaata ulloq 27. majimut kinguartinneqarnissaa Siulittaasoqarfimmit akuerineqarpoq.

Ilaasortat uku akornganni taasisarnerit pillugit isumaqatigiissuteqartoqarpoq:

Randi V. Evaldsen, Demokraatit aamma Aqqaluaq B. Egede, Inuit Ataqtigiit

Agathe Fontain, Inuit Ataqtigiit aamma Justus Hansen, Demokraatit

Peter Olsen, Inuit Ataqtigiit aamma Kim Kielsen, Siumut

Naaja Nathanielsen, Inuit Ataqtigiit aamma Jess Svane, Siumut

Per Rosing-Petersen, Partii Naleraq aamma Anders Olsen, Siumut